

ՀԱՍՏԱՏՈՒՄ ԵՄ՝

ԳԱԱ ՄԱՆՈՒԿ ԱԲԵՂՅԱՆԻ ԱՆՎԱՆ

ԳՐԱԿԱՆՈՒԹՅԱՆ ԻՆՍՏԻՏՈՒՏԻ ՏՆՕՐԵՆ

ԲԱՆԱՍԻՐԱԿԱՆ ԳԻՏՈՒԹՅՈՒՆՆԵՐԻ ԴՈԿՏՈՐ

ՎԱՐԴԱՆ ԴԵՎՐԻԿՅԱՆ

03 մայիսի 2021 թվական



ԱՌԱՋԱՏԱՐ ԿԱԶՄԱԿԵՐՂՈՒԹՅԱՆ ԿԱՐԾԻՔ

Աստղիկ Վալերիանի Սողոյանի «Խաչատուր Աբովյանի պատումի արվեստը» թեմայով թեկնածուական ատենախոսության վերաբերյալ

ԳԱԱ Մանուկ Աբեղյանի անվան գրականության ինստիտուտի Հայ նոր գրականության բաժնի 30.04.2021թ.03-րդ նիստին մասնակցում էին բաժնի վարիչ, բանասիրական գիտությունների թեկնածու, դոցենտ Սիրանուշ Մարգարյանը, բանասիրական գիտությունների դոկտոր Պետրոս Դեմիրճյանը, բանասիրական գիտությունների թեկնածուներ Արամ Ալեքսանյանը, Թադևոս Խաչատրյանը, Նաոա Սարգսյանը:

ԼՄԵՑԻՆ՝ Աստղիկ Վալերիանի Սողոյանի «Խաչատուր Աբովյանի պատումի արվեստը» թեմայով թեկնածուական ատենախոսությունը Երևանի պետական համալսարանում գործող ԲՈԿ-ի՝ Գրականագիտության 012 մասնագիտական խորհրդում պաշտպանության երաշխավորելու հարցը՝ ժ. 01. 01- «Հայ դասական գրականություն» մասնագիտությամբ բանասիրական գիտությունների թեկնածուի գիտական աստիճանի համար:

ԱՐՏԱՀԱՅՏՎԵՑԻՆ՝ բաժնի վարիչ, բանասիրական գիտությունների թեկնածու, դոցենտ Սիրանուշ Մարգարյանը, բանասիրական գիտությունների դոկտոր Պետրոս Դեմիրճյանը, բանասիրության թեկնածուներ Արամ Ալեքսանյանը, Նաոա Սարգսյանը, Թադևոս Խաչատրյանը:

Ելույթ ունեցողները նշեցին, որ Խաչատուր Աբովյանի գրական-ստեղծարանական ժառանգության քննությունն իր համապատկերի ամբողջության մեջ մշտապես եղել է հայ գրականագիտության կարևոր ու խնդրադիր հարցերից մեկը: Աբովյանագիտության նախընթաց հարյուր հիսուն տարիներին, անշուշտ, արվել և արվում են կարևոր ուսումնասիրություններ՝ հետազոտության կիզակետում

ունենալով մեծ լուսավորչի ու նոր գրականության հիմնադրի ժառանգության քննության ամենատարբեր հարցադրումներ, սակայն, ինչպես հայցորդն է նկատում, Աբովյանի երկերում բազում չնկատված առանձնահատկություններ ու չընթերցված իրողություններ կան, որոնց բացապարզումը կարող է նոր ու հետաքրքիր եզրահանգումների առիթ տալ, որոշակիորեն մոտեցնել տեքստ-ընթերցող հեռացած եզրերը: Աբովյանագիտության ակնառու ձեռքբերումներով հանդերձ, լուսավորական իմացաբանության համատեքստում համադրված Աբովյանի ողջ ստեղծագործության պոետիկան, նրա երկերի տիպաբանական առանձնահատկությունները, ըստ էության, լիարժեք չեն հետազոտվել:

Աստղիկ Սողոյանի աստենախոսության նպատակը, իր իսկ բնորոշմամբ՝ «Աբովյանի գեղարվեստական երկերի կառուցվածքային կողմի քննությունն է՝ շեշտը դնելով պատումի առանձնահատկությունների վրա, թե ինչ միջոցներով և հնարքներով է հեղինակը հյուսում իր պատումը, դիպաշարային ինչ կադապարներ է կիրառում»: Այս պարագայում միանգամայն ողջունելի է հայցորդի հանձնառությունը, մանավանդ որ բանասիրության դոկտոր, պրոֆեսոր Ալբերտ Մակարյանի գիտական ղեկավարությամբ նա աշխատել է դժվար, ծավալուն, տեսական ու մեթոդական պատշաճ պատրաստություն պահանջող խնդիրների շուրջ:

Սույն աշխատանքը բաղկացած է ներածությունից, ենթագլուխների բաժանված երեք գլուխներից, եզրակացություններից և օգտագործված գրականության ցանկից:

Աստղիկ Վալերիանի Սողոյանի «Խաչատուր Աբովյանի պատումի արվեստը» թեկնածուական աստենախոսությունը արդիական է ոչ միայն իր գիտական խնդրադրությամբ, այլ նաև հայցորդի իմացականությունը բնորոշող ձեռագրով՝ Աբովյանագիտության համապատկերում ուսումնասիրությունն առանձնանում է գիտահետազոտական ավանդական և արդիական մեթոդների (պատմահամեմատական, զուգադրական, կառուցվածքային, հերմենևտիկական, միֆաքննադատական) միաժամանակյա, փոխհամակցված կիրարկմամբ:

Նման սինկրետիկ, համագուգակցված հետազոտական մեթոդի շնորհիվ քննվում են ոչ միայն նոր կառուցակարգեր և ուսումնասիրվում նոր շերտեր, այլև բավարար հիմք է ստեղծվում Խաչատուր Աբովյանի գեղարվեստական երկերի տեքստերի տիպաբանական, կառուցվածքային նորովի և մինչ օրս չդիտարկված առանձնահատկությունների բացահայտման համար:

Ուսումնասիրության առաջին գլուխը, որ հետազոտողը վերնագրել է «Պատումը չափածո երկերի կառույցում», առանձին բաժանումներով քննության է առնում՝ Երկխոսությունները «Աղասու խաղը» պոեմում, Փաստացի և հնարավոր պատումների հարաբերակցության խնդիրը «Աղասու խաղը» պոեմում, սպա՝ երգիծական պատումների սկզբունքները « Հազարափեշեն» երգիծապոեմում և առակներում:

Գիտական հստակ ձևակերպված սկզբունքով Աստղիկ Սողոյանը «պատմությունը» սկսում է ամենասկզբից՝ բաց չթողնելով քննվող ստեղծագործության

վերաբերյալ որևէ կարծիք, որևէ մանրամասն: Միանգամայն գնահատելի է հանգամանքը, որ երիտասարդ գիտնականը չի կտրում ժառանգորդական կապը՝ ճիշտ հակառակը՝ խորապես ճանաչելով նախընթաց արվյանագիտությունը, նա հենվում է այդ ահռելի վաստակի վրա՝ երբեմն համաձայնելով եղած դիտարկումների հետ, երբեմն բանավիճելով կամ պարզապես ժխտելով դրանք:

Քննության ի՞ր ընտրած եղանակը ատենախոսը լրացնում և հիմնավորում է որդեգրած հետազոտական մեթոդների հայտնի տեսաբանների տեսակետներով՝ դրանով իսկ առավել տեսականացնելով և մեծացնելով ատենախոսության գիտականացման գործակիցները: Վերջին շրջանում մեզանում անընդհատ խոսվում է գրականության պատմության տեսականացման մասին, հանգամանք, որով վաղուց բնորոշվում է դրսի գրականագիտական միտքը: Առանց վարանելու կարելի է այնքել, որ Աստղիկ Մողոյանի ուսումնասիրության պարագայում հանդիպում ենք աշխատանքային հենց այսպիսի տարբերակի, որ գրականության տեսական պատմության հաջողված ու հետաքրքիր փորձ է մեզանում:

Հայտնի է, որ խորհրդային գաղափարախոսականացված գրականագիտության համապատկերում, հասկանալի սյառճառաբանությամբ, արվյանագիտությունը, ըստ էության, չէր կարող ոչ միայն սպառել, այլև նոր գործիքներով ու գրական բնագրի ընթերցման նոր սկզբունքներով լիարժեք գիտականացնել Խաչատուր Արվյանի բազմաժանր ժառանգության հետազոտությունը:

Ժամանակաշրջանի իրականության ճշմարտացի պատկերներ, պատմաաշխարհագրական, ազգագրական, էթնոհոգեբանական արժեքավոր տեղեկություններ պարունակող մեծ լուսավորչի գրական ժառանգությունը հիմնականում հատկորոշվում և միասնանում է լուսավորական դարաշրջանին բնորոշ գաղափարները, խնդրադրությունը կյանքի կոչելու դիդակտիկ գործառությամբ, որով էլ պատճառաբանվում է կյանքի և հայկական իրականության այլազան ոլորտների ու բազմաբովանդակ թեմաների ստեղծագործական յուրացումը:

Ատենախոսը նույնպես հանգում է այն ճիշտ եզրահանգման, որ չնայած թեմատիկ և ժանրային բազմակերպությանը, արտահայտչամիջոցների և գեղարվեստական հնարքների բազմազանությանը, կառուցվածքային և ոճական բազմաձևությանը, պատումի բազմաձայնությանը, քնարականության ու էպիզմի, իրականի, պատմականի և առասպելականի, զգացմունքների և բանականի միահյուսված ի հայտ գալուն, Արվյանի գեղարվեստական ժառանգությունը կուռ, ամբողջական համակարգ է, ունի համախմբող, համակարգված աշխարհայացքային գաղափարական կիզակետ:

Հենց այս կետում է, որ Աստղիկ Մողոյանը, ցույց տալով գրական բնագրերը բազմապլան վերլուծելու ակնհայտ կարողություններ, կարողանում է և՛ տեսական հետաքրքիր ու հիմնավորված ընդհանրացումներ անել, որ անչափ կարևոր է նման աշխատանքների պարագայում, և՛ վեր հանել Արվյանի Գրի առարկայական ու ենթակայական կենսոլորտները, որ ենթադրում է լուրջ, ստեղծագործական ընթերցում:

Ատենախոսության երկրորդ գլուխը՝ «Գեղարվեստականի և ոչ գեղարվեստականի սահմանագծին» վերնագրով, ձևակերպվում է նոր խնդրադրությամբ՝

- Ըստ ներքին ձևի հատկանիշի «ուսումնասիրել «Պատմություն Տիգրանի...»- «միջգիտակարգային» ստեղծագործությունը, որ կանգնած է մանկական և մանկավարժական ստեղծագործությունների տիրույթում,
- Նույն համատեքստում քննության առնել Նախաշավիղը՝ երևան հանելով դասագրքի մանկագրական հատկանիշները, հեղինակ-երեխա-ընթերցող յուրօրինակ դիմում- հարաբերությունները, մանկական պատմի եղանակներն ու միջոցները, երեխա պատմողի առանձնատկությունները և այլն:

Այս տեսանկյունից էլ, ատենախոսությունը Խաչատուր Աբովյանի գեղարվեստական տեքստերի կառուցվածքային քննությամբ, երկերի արխիտեկտոնիկան և պատումի ինքնատիպությունը պայմանավորող գեղարվեստական միջոցների համազուգակցված բացահայտմամբ, նոր էջ է բացում արվեստագիտության համապատկերում:

Ատենախոսությունը գիտականացնում է նաև ատենախոսի քննական մոտեցումը տվյալ հարցադրումների կապակցությամբ առկա արվեստագիտության բացահայտումներին, որոնք երբեմն ելակետային են դառնում իր վերլուծական ընդհանրացումների և եզրահանգումների համար, երբեմն՝ լրացվում:

Վերը ներկայացված երկու գլուխների քննությունը ցուցանում է, որ ատենախոսության ճիշտ ընտրված կառուցվածքն է թելադրում գետահետազոտական մեթոդը՝ հիմնականում տեքստային վերլուծությունից զատ ենթադրելով այնպիսի խնդիրների վերլուծություն, որոնք առնչվում են հեղինակի աշխարհայեցությանը, գեղագիտական համակարգի ներքին տրանսֆորմացիաներին ու ստեղծաբանական տարաբնույթ ձևույթների կիրարկումներին: Այս պարագայում ատենախոսը հայտնվում է ստեղծագործությունների մեկնության համալիր դաշտում, ինչը բնորոշում է սույն ատենախոսության և նրա հեղինակի մասնագիտական որակումը: Աստղիկ Սողոյանը տիրապետում է իր նյութին, ճանաչում այն ամենայն մանրամասնությամբ: Երբեմն՝ այնպիսի մանրամասնություններով, որոնք չափազանցության և ամեն ինչ մի տեղում, մի ժամանակի մեջ ասելու պատրանք են ստեղծում: Այս ատենախոսության մեջ անգամ այս փոքրիկ «վրիպումներն» են գեղեցիկ թվում:

Ջարմանայի խորագիտությամբ վերլուծվում են ըստ ժանրերի տարբերակված առանձին ստեղծագործությունները, որի շնորհիվ ի հայտ են գալիս կոնկրետ երկի պոետիկական կառուցվածքային ներկայացնող ատենախոսի քննական բացահայտումները («Մանկական տեսանկյունը «Նախաշավիղ կրթության...» դասագրքում», «Չերոսի ճանապարհի մոնումֆի մոդելը «Վերք Հայաստանի» վեպում», «Պատմողի կերպարը վեպում», «մանկագրական պատում», «հուշագրական պատում» և այլն), Աբովյանի բազմաժանր ստեղծագործության ինքնատիպ տիպաբանական դրսևորումները, պոետիկան: Ատենախոսության մեջ քննականորեն գնահատվում և

ամբողջացվում է այս կամ այն երկի շուրջ եղած այլազան, երբեմն իրարամերժ կարծիքները և տեսակետները, որն առավել ամբողջական է դարձնում ուսումնասիրության շարադրանքը: Գնահատելի են նաև ատենախոսի՝ երկերի պատումի տիպաբանության, կառուցվածքի և ոճի էական տարբերակումն ու բնութագրումները: Շատ հարցադրումների բացահայտումները ատենախոսը հիմնավորում է՝ ապավինելով օգտագործած հարուստ տեսական գրականության, ինչպես նաև ողջ արվյանագիտության ձեռքբերումներին:

Այս իմաստով բացառիկ հետաքրքրություն է ներկայացնում ուսումնասիրության երրորդ գլուխը, որ Աստղիկ Մոդոյանը տարբաժանել է երեք ենթագլուխների և «Վերք Հայաստանի» վեպի քննությունը ներկայացրել «Գեղարվեստական արձակի կառուցման առանձնահատկությունները» վերնագրով:

Վեպի պատմության ու տեսության վերաբերյալ գրականություն սահմանները գրեթե անընդգրկելի են: Վեպի մասին տեսությունը կազմավորել է մի ամբողջական ու կանոնակարգված գիտություն, որով զբաղվել ու շարունակում են զբաղվել գրականության պատմաբանների, տեսաբանների, փիլիսոփաների ու տարբեր գիտաճյուղերի մի քանի սերունդներ: Քննության առանցքում վեպը բնութագրող ու սահմանող ամենատարբեր հարցադրումներ են՝ ծագումնաբանության նախադրյալներն ու կազմաբանական- գեղագիտական խնդիրները, ներքին տրանսֆորմացիաների հնարավորությունն ու փոխաձևությունները, մեթոդաբանական սկզբունքներն ու տիպաբանությունը, ապա ներքին տարածության մեկնաբանություն՝ բնագիրը կազմակերպող հնարավոր բոլոր բաղադրատարրերի յուրացումներով:

Հայոց վեպի պատմատեսության մեջ զարմանալի ու հետաքրքիր էջ է ձևավորել Խաչատուր Աբովյանի «Վերք Հայաստանի...» պատմավեպի քննությունը, որն իր շուրջ մեկուկեսդարյա պատմության ընթացքում քննաբանվել է ամենատարբեր դիտանկյուններից ու տարաբնույթ հարցադրումներով՝ առթելով վեպը բնութագրող էթնիկական, պատմա-հոգեբանական, գաղափարական ու գեղագիտական, իմաստասիրական բազմաբնույթ հարցադրումներ, գաղափարներ, դրույթներ, վարկածներ, տեսական- մեթոդաբանական ու տիպաբանական ընդհանուր դիտարկումներ:

Հենց այս հարցադրումներն են ըստ ամենայնի ձևակերպել հայոց պատմական ժամանակի վկայագրման, ազգային ինքնագիտակցության, Ֆիզիկական ու հոգևոր ինքնաձանաչման, ինքնության զարթոնքի պատմությունը, որ վիպական կառույցում գրողն իրացնում է երեք սուբստանցների՝ բնաշխարհի, պատմություն, մարդիկ ազգակազմիչ անունների միջոցով: Սրա մասին արվյանագիտությունը շատ է խոսել՝ «Վերքը...» ներկայացնելով իբրև պատմավեպ, ուր ձևակերպվում է 19-րդ դարակեսի բարդագույն ժամանակներում հայոց պատմության շրջադարձը՝ ժամանակի ներքին հոսքերում փորձելով սահմանել գոյաբանական այն հիմնախնդիրները, որոնք անցյալի ու ներկայի ժամանակները կապակցում են հստակ գիտակցված ինքնափրկության նպատակաբանությամբ: Ընդունված է ասել, թե Աբովյանը պարզապես գրի է առել

ինքնափրկության այդ մաքառումն ու ազգային ոգու ու գոյության տիեզերական միֆոլոգիան:

Այս դասական գրականագիտությունը խոսում է «Վերք Հայաստանի» վեպի պոետիկայի մասին՝ եվրոպական և ձևային վեպ է «Վերքը...», թե՛ արևելյան կանոնի՝ (Ստ. Ոսկան- Մ. Նալբանդյան), ինչ ժանրային առանձնահատկություններ ունի և իմացաբանական ինչ հղումներում է կազմակերպում պատմության փիլիսոփայության արվեստական ընկալումը: Եզրահանգումը ձևակերպում, ընդհանուր հայտարարի է բերում վիպասանության գաղափարը, թե Աբովյանը եվրոպական վեպի փորձի վրա կառուցում է ազգային- ազգագրական վիպասանության իր տեսակը՝ հիմքում դնելով ոչ միայն ստույգ պատմավավերագրական փաստը՝ 1826-1828 թվականների ռուս-պարսկական պատերազմը, Արևելյան Հայաստանը մահմեդական ահռելի տիրապետությունից ազատագրելու իրողությունը, այլև պատմականորեն ստույգ հերոսի կենսագրական հետազոտողը, որ ուղիղ հղումով առնչվում է ոչ միայն իրական Հայաստանի մաքառումներին, այլև գոյության այն բանահյուսությանը, որ իմաստ է ստանում հայոց բարբերի ու սովորությունների, ավանդույթների ու կենցաղավարության էթնիկ- քրիստոնեական գունավորումներով: Ահա անհատական կատարելության այս դրվածքը ուղիղ գծով Աղասու կերպարը միացնում է ազգային ոգու ինքնագիտակցման ու էքզիստենցիալ գոյաբանության գաղափարին, որ կապակցում է վիպական դեպքերն ու իրադարձությունները, շարժման մեջ դնում սյուժեի հետազոտողը:

Ահա հենց այս կետի վրա, սակայն բողոքովին այլ դիտանկյունից է վեպը, ապա պատմողի, Աղասու կերպարները քննում Աստղիկ Սողոյանը իր ատենախոսության մեջ: «Հերոսի ճանապարհի մոնոմիֆի մոդելը վեպի կառույցում» ենթազոյալում ամերիկացի տեսաբան Ջ. Քեմբելի «հարազատ տուն- հեռավոր աշխարհ» տեսության շրջանակում ներկայացնելով հերոսի ճանապարհի մոնոմիֆի մոդելը՝ ըստ հստակ ձևակերպված և անվանված հանգրվանների: Անցումային ամեն փուլը կազմակերպող հանգրվանային նշանը հստակ խնդիր է ներկայացնում՝ տեքստային տարրության մեջ առբերելով հնարավոր միևնույն բնագրի սահմաններում պարփակված սեմիոտիկ դաշտերն ու ըստ կարելիության վերլուծելով ու մեկնաբանելով դրանք: Իմացաբանական հղումն այս տեսությանը հորվածագիրը մեկնաբանում է հանգամանքով, թե Աբովյանի վեպն ունի որոշակի բանահյուսական հենք՝ «ժողովրդական վեպին ընդդեմ կաղապար», «հեքիաթի նշանային համակարգ», և, ինչպես նշատում է ակադեմիկոս Արամ Ղանալանյանը, «հիշեցնում է ժողովրդական հերոսական դյուցազնավեպերը»:

Այս ուսումնասիրությանը Աստղիկ Սողոյանը հարադրում է պատմության փիլիսոփայություն- պատմության ստեղծագրություն դաշտերը՝ վեպի քննության հիմքում դնելով համաշխարհային միֆապոետիկայի և արքետիպերի տեղայնացված կամ „հայկական“, տարբերակի բազմապլան վերլուծության ակնհայտ կարողություններ: Անշուշտ, վեպի քննության այս համաբնագրում Աստղիկ Սողոյանը դիպաշարային դրվագները մտածված և ճիշտ է ընտրում՝ ընտրված մեթոդոլոգիայի սահմաններում իրականություն դարձնելով մոտիվը կազմակերպող հանգրվանային բառի, բառակապակցության նշանային արժեքն ու դրա դերը մշակութային որոշակի

միջավայրում, քննությունից դուրս թողնելով միջանկյալ որոշակի օղակներ, որոնք առնչվում են վիպական միջավայրին, պատումի գեղագիտական համակարգին, ապամիֆականացման ընթացքին և այլն : Կարևոր է նաև այն, որ վերլուծության ընտրված համակարգը հնարավորություն է տվել հեղինակին վերաբժնորելու դիպաշարային մի շարք «բաց կետեր» , որոնք նախկինում դիտվել են մինչև անգամ որպես վեպի այդ հատվածների թերամշակման արդյունք /Նազուի և մոր նամակները, Մոսիի երազը, Հասան խանին չապանելը և այլն/:

Հեղինակի գիտական մտադրությոը պարզ է՝ այն, ինչ ինքը պնդում է, հասկանալի է իր իսկ ներկայացրած համակարգում, դրանից դուրս հաճախ բազմաթիվ հարցեր է առթում: Հայցօրդն իր շարադրանքում ամենայն մանրամասնությամբ «պատասխանում է» այդ հարցերին: Նաև՝ հետաքրքիր դիտարկումների և նոր ձևակերպումների հնարավորություն ընձեռում: Սա արդեն կարող է հետաքրքրել գրականագիտական որոշակի շրջանակի, նաև քննարկումների ու բանավեճերի առիթ հանդիսանալ: Ինչպես որ քննարկման առիթ կարող է հանդիսանալ ատենախոսի պնդումը, թե « Խաչատուր Աբովյանի ստեղծագործությունը /ներառյալ «Վերք Հայաստանի...» վեպը/ «քչերն են կարդում», թե դրանք «դժվարընթեռնելի ու բարդ գործեր» են, որոնց «դժվարությամբ են մոտենում և՛ աշակերտները, և՛ ուսանողները», ինչը, կարծում ենք, գլխավորապես քննարկելի է մեր կրթական համակարգի արդյունավետության համատեքստում: Որ դասական մի շարք գրողների ստեղծագործությունը նորովի քննության կարիք ունի, վիճարկելի չէ: Մակայն, մեր կարծիքով, Խաչատուր Աբովյանն ամեննին չի պատկանում այդ կարգի դասականների թվին, և տվյալ դեպքում խոսք կարող է լինել ոչ թե վերաբժնորման, այլ՝ գրականագիտության զարգացման և «տեքստի վերլուծության նոր չափանիշների առաջաշմանը զուգընթաց», եղածի աստիճանական լրացման, հարստացման ու խորացման մասին, ինչը ձեռնարկել և հաջողությամբ իրացրել է ատենախոսը:

Աստղիկ Վալերիանի Մոդոյանի «Խաչատուր Աբովյանի պատումի արվեստը» թեկնածուական ատենախոսությունը շարադրված է գրագետ հայերենով: Ատենախոսությունը առանձնանում է կառուցվածքային գետահետազոտական մեթոդին համապատասխան կարգա-հասկացությային եզրույթներով և բառապաշարով, որոնք պայմանավորում են հետազոտական բարձր մակարդակ: Գիտական ապարատը միանգամայն ճշգրիտ է, օգտագործված գրականության ցանկը՝ առանց էական բացթողումների, ըստ գիտական խնդրադրության՝ հիմնավորված և վկայակոչված:

Մույն ատենախոսության վերաբերյալ ՀՀ ԳԱԱ Մանուկ Աբեղյանի անվան գրականության ինստիտուտի Հայ նոր գրականության բաժինը դիտողություններ չի ներկայացնում□ նախ, որովհետև կատարված է գիտական պատշաճ մակարդակի, հստակ համակարգված ու հրաշալիորեն իրացված աշխատանք, ապա տեսնում է միանգամայն արգասավոր ու խոստումնալից ճանապարհը, որ սպասվում է Մստղիկ Մոդոյանին գրականագիտության ասպարեզում: Ուստի՝

ՈՐՈՇԵՑԻՆ՝ Աստղիկ Վալերիանի Սողոյանի «Խաչատուր Աբովյանի պատումի

արվեստը» թեմայով թեկնածուական ատենախոսությունը համապատասխանում է ՀՀ ԲՈԿ-ի գիտական ատիճանաշնորման կանոնակարգի պահանջներին և ԺՊՈՒՊ- «Հայ դասական գրականության» թվանիշին: Այն երաշխավորվում է հրապարակային պաշտպանության:

Միջնորդում ենք Երևանի պետական համալսարանի Գրականագիտության 012 մանագիտական խորհրդին՝ Աստղիկ Վալերիանի Սողոյանին շնորհել իր հայցած քանասիրական գիտությունների թեկնածուի գիտական աստիճանը:

Ս. Մարգարյան Միրանուշ Մարգարյան

ԳԱԱ Մանուկ Աբեղյանի անվան գրականության

ինստիտուտի Հայ նոր գրականության բաժնի վարիչ,

քանասիրական գիտությունների թեկնածու

Միրանուշ Մարգարյանի ստորագրությունը

Գրականության ինստիտուտի փոխտնօրեն,

հաստատում եմ



քանասիրական գիտությունների թեկնածու

Հերիքնագ Որսկանյան

03 մայիսի 2021 թվական